

DASAR PENERBITAN JURNAL

KOLEJ UNIVERSITI ISLAM ANTARABANGSA SELANGOR (KUIS)

Kelulusan oleh:	<ol style="list-style-type: none"> 1. Mesyuarat Jawatankuasa Penyelidikan, Penerbitan & Persidangan (JKPPP) (25 Mei 2017). 2. Mesyuarat Jawatankuasa Pengurusan KUIS (JPK) (26 Julai 2017).
Tarikh	2 Jun 2017

Disediakan oleh:

**Jawatankuasa Penerbitan Jurnal KUIS (JPJK) dan
Pusat Pengurusan Penyelidikan (RMC)**

SENARAI KANDUNGAN

1.0 PENDAHULUAN 1

1.2 FOKUS/*NICHE* PENERBITAN JURNAL KUIS..... 1

2.0 PERANAN DAN TANGGUNGJAWAB 2

2.1 JAWATANKUASA PENYELIDIKAN, PENERBITAN DAN PERSIDANGAN (JKPPP).....2

2.1.1 *Pelantikan Jawatankuasa Penyelidikan, Penerbitan dan Persidangan (JKPPP)* 2

2.1.2 *Bidang Tugas* 2

2.2 JAWATANKUASA PENERBITAN JURNAL KUIS (JPJK) 3

2.2.1 *Pelantikan Jawatankuasa Penerbitan Jurnal KUIS (JPJK)* 3

2.2.2 *Tempoh pelantikan*..... 3

2.2.3 *Bidang Tugas* 3

2.3 KETUA PENERBITAN JURNAL KUIS 3

2.3.1 *Pelantikan Ketua Penerbitan Jurnal KUIS* 3

2.4 KETUA EDITOR..... 4

2.4.1 *Pelantikan Ketua Editor*..... 4

2.4.2 *Tempoh pelantikan*..... 5

2.4.3 *Syarat-Syarat pelantikan* 5

2.4.4 *Bidang Tugas* 5

2.5 PELANTIKAN SIDANG EDITOR 6

2.5.2 *Tempoh pelantikan*..... 6

2.5.3 *Syarat-syarat pelantikan* 6

2.5.4 *Bidang tugas*..... 6

2.6 PELANTIKAN PENILAI/PEWASIT 6

2.6.1 *Pelantikan Penilai/pewasit*..... 6

2.6.2 *Tempoh pelantikan*..... 6

2.6.3 *Syarat-syarat pelantikan* 7

2.6.4 *Bidang tugas*..... 7

3.0 PENERBITAN JURNAL..... 8

3.1 PENGURUSAN JURNAL..... 8

3.2 KRITERIA JURNAL..... 8

3.2.1 *Jangkamasa*..... 8

3.2.2 *ISSN/E-ISSN*..... 8

3.2.3 *Kawalan Kualiti*..... 9

3.2.4 *Ketepatan Masa* 9

3.2.5 *Subjek (bidang)*..... 9

3.2.6 *Editorial* 9

3.2.7 *Garis panduan penyerahan manuskrip* 9

3.2.8 *Konvensyen Editorial* 9

3.2.9 *Bahasa* 9

3.2.10 *Laman web Jurnal*..... 10

3.2.11 *Etika penerbitan* 10

3.2.12 *Pengarang* 10

3.2.13 *Sidang Editor* 10

3.2.14 *Sitasi Jurnal*..... 10

3.2.15	<i>Pengindeksan Jurnal</i>	10
4.0	PERATURAN PEMBAYARAN	11
4.1	PEMBAYARAN TERHADAP ARTIKEL YANG DITULIS	11
4.2	HONORARIUM KEPADA PENILAI/PEWASIT	11
5.0	PERATURAN PENCETAKAN NASKAH JURNAL	12

1.0 PENDAHULUAN

Dokumen ini bertujuan untuk memberi keterangan berkaitan dasar penerbitan jurnal di Kolej Universiti Islam Antarabangsa Selangor (KUIS) dan juga menjadi garis panduan kepada warga akademik, warga pentadbiran dan para pelajar berhubung perkara berkaitan dengan penerbitan jurnal.

Penerbitan jurnal oleh fakulti/pusat KUIS mestilah melalui Penerbit KUIS bagi menjaga kualiti jurnal yang diterbitkan sekaligus menjaga imej KUIS.

1.2 FOKUS/*NICHE* PENERBITAN JURNAL KUIS

Setiap jurnal terbitan KUIS harus memberi fokus kepada kriteria seperti berikut:-

- i. Membangun dan meningkatkan peradaban insan bagi kepentingan universiti, negara dan ummah.
- ii. Menyumbang kepada pembangunan ilmu berlandaskan al-Quran dan al-Sunnah.
- iii. Mengetengahkan, menyumbang dan berkongsi idea, hasil dapatan dan penemuan baru dalam penyelidikan terkini dalam membantu menyelesaikan masalah ummah dan memberi manfaat kepada akademik.
- iv. Menjadi rujukan, dikenali, boleh dilihat dan dirujuk oleh ahli akademik dan pelajar.

2.0 PERANAN DAN TANGGUNGJAWAB

2.1 JAWATANKUASA PENYELIDIKAN, PENERBITAN DAN PERSIDANGAN (JKPPP).

2.1.1 Pelantikan Jawatankuasa Penyelidikan, Penerbitan dan Persidangan (JKPPP)

Jawatankuasa Penyelidikan, Penerbitan dan Persidangan (JKPPP) dilantik oleh Rektor KUIS dan dipengerusikan oleh Timbalan Rektor (Akademik dan Penyelidikan). Ahli jawatankuasa ini terdiri daripada Pengarah RMC, Timbalan Pengarah RMC, Timbalan Dekan Akademik fakulti/pusat, Ketua Penerbitan, Inovasi & Pemasaran, dan Penolong Pendaftar RMC sebagai setiausaha mesyuarat.

2.1.2 Bidang Tugas

- i. Memantau aktiviti penyelidikan, penerbitan, dan pembangunan disemua peringkat termasuk jaringan/kerjasama dengan pihak luar.
- ii. Menetapkan syarat dan garis panduan untuk penyelidikan dan penerbitan.
- iii. Menggalakkan Pusat Kecemerlangan, Fakulti, dan penyelidik untuk mendapatkan dana dan jaringan luar untuk tujuan penerbitan.
- iv. Meluluskan permohonan aktiviti penyelidikan, penerbitan dan pembangunan fakulti/pusat.

2.2 JAWATANKUASA PENERBITAN JURNAL KUIS (JPJK)

2.2.1 Pelantikan Jawatankuasa Penerbitan Jurnal KUIS (JPJK)

Jawatankuasa Penerbitan Jurnal KUIS (JPJK) dilantik oleh Rektor KUIS dan dipengerusikan oleh Pengarah RMC. Ahli-ahli terdiri daripada Ketua Penerbitan Jurnal KUIS, Timbalan Pengarah RMC, Ketua Editor Jurnal fakulti/pusat dan Pegawai Pembangunan Penyelidikan RMC sebagai setiausaha.

2.2.2 Tempoh pelantikan

Tempoh pelantikan mengikut keperluan dari masa ke semasa.

2.2.3 Bidang Tugas

- i. Pelaporan ke Mesyuarat Jawatankuasa Penyelidikan, Penerbitan dan Persidangan (JKPPP).
- ii. Merancang dan memantau penerbitan jurnal yang diterbitkan oleh fakulti/pusat.
- iii. Meluluskan atau menolak mana-mana manuskrip/artikel yang dikemukakan berdasarkan kriteria penerbitan ilmiah KUIS.
- iv. Menentukan kriteria bagi sesuatu artikel untuk boleh diterbitkan di bawah penerbitan jurnal KUIS.
- v. Menentukan dan mengkaji dasar Penerbitan Jurnal dari masa ke semasa.

2.3 KETUA PENERBITAN JURNAL KUIS

2.3.1 Pelantikan Ketua Penerbitan Jurnal KUIS

Ketua Penerbitan Jurnal KUIS dilantik oleh Rektor KUIS.

2.3.2 Tempoh pelantikan

Tempoh minimum lantikan adalah dua (2) tahun dan mengikut keperluan dari masa ke semasa.

2.3.4 Syarat-Syarat pelantikan

- i. Terdiri daripada pegawai akademik yang bergiat aktif dalam bidang penulisan atau berkaitan.
- ii. Berkhidmat di KUIS dan sekurang-kurangnya berjawatan Pensyarah Kanan.

2.3.5 Bidang Tugas

- i. Melapor kepada Pengarah RMC
- ii. Memantau penerbitan jurnal KUIS.
- iii. Melakukan penilaian terhadap jurnal yang diterbitkan di KUIS.
- iv. Menentukan kriteria bagi penerbitan jurnal untuk boleh diterbitkan di bawah penerbitan jurnal KUIS.
- v. Mengkaji dan menentukan Dasar Penerbitan Jurnal KUIS dari masa ke semasa.
- vi. Merancang untuk meningkatkan sitasi jurnal KUIS
- vii. Merancang penarafan jurnal terbitan KUIS ke peringkat nasional dan antarabangsa melalui jaringan kerjasama dengan IPT atau institusi lain yang berkaitan.

2.4 KETUA EDITOR

2.4.1 Pelantikan Ketua Editor

Ketua Editor Jurnal fakulti/pusat dilantik oleh Timbalan Rektor (Akademik dan Penyelidikan) KUIS dengan syor daripada fakulti/pusat.

2.4.2 Tempoh pelantikan

Tempoh minimum lantikan adalah tiga (3) tahun dan mengikut keperluan dari masa ke semasa.

2.4.3 Syarat-Syarat pelantikan

- i. Berkhidmat di KUIS, DAN
- ii. Terdiri daripada sama ada pensyarah kanan yang bergiat aktif menulis dalam bidang berkaitan, ATAU
- iii. Pensyarah yang aktif dan pengalaman menulis artikel jurnal dalam bidang berkaitan.

2.4.4 Bidang Tugas

- i. Melapor kepada Timbalan Dekan Akademik fakulti dan Ketua Penerbitan Jurnal KUIS
- ii. Merancang, mengurus dan memantau urusan penerbitan jurnal bermula dari penerimaan artikel sehingga ke proses akhir penerbitan.
- iii. Melakukan penilaian peringkat pertama untuk setiap penerimaan artikel yang diterima sama ada artikel diterima atau tidak.
- iv. Meluluskan atau menolak mana-mana artikel yang dikemukakan berdasarkan kriteria Penerbitan KUIS.
- v. Melantik penilai atau pewasit yang bersesuaian dan berkaitan bagi setiap artikel yang diterima.
- vi. Menyelaras dan menjalankan tugas-tugas penyuntingan artikel.
- vii. Pembacaan prof.
- viii. Memastikan artikel yang diterbitkan berkualiti dan menepati kriteria artikel jurnal.

2.5 PELANTIKAN SIDANG EDITOR

2.5.1 Pelantikan Sidang Editor

Sidang editor dilantik oleh Timbalan Rektor (Akademik dan Penyelidikan) dengan syor daripada Ketua Editor Jurnal fakulti/pusat.

2.5.2 Tempoh pelantikan.

Tempoh minimum lantikan adalah dua (2) tahun dan mengikut keperluan dari masa ke semasa.

2.5.3 Syarat-syarat pelantikan

- i. Terdiri daripada ahli akademik yang bergiat aktif dan berpengalaman dalam bidang penulisan artikel jurnal, DAN
- ii. Berkhidmat di dalam atau di luar KUIS, DAN
- iii. Mempunyai PhD, DAN
- iv. Pakar dalam bidang berkaitan.

2.5.4 Bidang tugas

- i. Membantu tugas-tugas Ketua Editor.
- ii. Pembacaan prof.

2.6 PELANTIKAN PENILAI/PEWASIT

2.6.1 Pelantikan Penilai/pewasit

Penilai/pewasit dilantik oleh Ketua Editor Jurnal fakulti/pusat.

2.6.2 Tempoh pelantikan.

Tempoh lantikan adalah sekurang-kurangnya dua (2) bulan atau mengikut keperluan.

2.6.3 Syarat-syarat pelantikan

- i. Terdiri daripada ahli akademik yang bergiat aktif dan berpengalaman dalam bidang penulisan artikel jurnal, DAN
- ii. Berkhidmat di dalam atau di luar KUIS, DAN
- iii. Mempunyai PhD, DAN
- iv. Pakar dalam bidang berkaitan.

2.6.4 Bidang tugas

- i. Menilai dan menentukan artikel yang bersesuaian dan berkualiti untuk diterbitkan.
- ii. Memastikan kesahihan kandungan artikel yang hendak diterbitkan berdasarkan kepada rujukan-rujukan yang diperakui.
- iii. Memberi saranan kepada Ketua Editor samada menerima atau menolak artikel yang diwasit dengan mengemukakan rasional berkaitan.

3.0 PENERBITAN JURNAL

Setiap fakulti/pusat yang ingin menerbitkan Jurnal baharu atau ingin menukar nama jurnal atas justifikasi tertentu hendaklah mendapat kelulusan daripada Mesyuarat Jawatankuasa Penyelidikan, Penerbitan dan Persidangan (JKPPP) beserta dokumen lengkap menyatakan dengan jelas kriteria penerbitan jurnal seperti bahagian 3.2.

3.1 PENGURUSAN JURNAL

Pengurusan sesuatu Jurnal perlu memenuhi kriteria Jurnal (rujuk bahagian 3.2) dan mempunyai Ketua Editor dan sidang editor yang dilantik oleh Timbalan Rektor (Akademik dan Penyelidikan). Selain daripada itu, jurnal juga perlu mempunyai laman web khusus untuk memudahkan proses penghantaran, pewasitan dan penerbitan artikel. Jumlah minima artikel yang perlu diterbitkan untuk setiap siri adalah sebanyak lima (5) hingga enam (6) artikel.

3.2 KRITERIA JURNAL

3.2.1 Jangkamasa

Jurnal berwasit perlu diterbitkan sekurang-kurangnya dua (2) kali setahun tanpa gagal.

Jurnal perlu diindeks sekurang-kurangnya dalam MyJurnal atau badan pengindeks lain.

Selepas tiga tahun jurnal diindeks di MyJurnal, sesebuah jurnal itu berpeluang untuk di indeks di MyCite dan seterusnya di Scopus, Web of Science (WoS) dan lain-lain institusi pengindeks tempatan dan antarabangsa.

3.2.2 ISSN/E-ISSN

Setiap jurnal mestilah mempunyai *International Standard Serial Number* (ISSN) atau E-ISSN yang didaftarkan di Malaysia. Hak cipta semasa jurnal

hendaklah dimiliki oleh Penerbit Fakulti/ Penerbit KUIS. Permohonan ISSN/E-ISSN hendaklah melalui Penerbit KUIS di Pusat Pengurusan Penyelidikan (RMC).

ISSN perlu dimohon sekiranya penerbitan jurnal secara bercetak dan E-ISSN perlu dimohon sekiranya penerbitan jurnal secara atas talian.

3.2.3 Kawalan Kualiti

Jurnal mengamalkan proses pewasitan artikel (*blind review*) sebelum diterbitkan. Tempoh proses pewasitan dinyatakan dengan jelas.

3.2.4 Ketepatan Masa

Jurnal menyatakan dan mematuhi frekuensi dan bulan penerbitan dengan jelas.

3.2.5 Subjek (bidang)

Jurnal menyatakan bidang atau subjek dengan jelas sebagai panduan kepada pengarang .

3.2.6 Editorial

Jurnal menyenaraikan sidang editor beserta afiliasi yang lengkap.

3.2.7 Garis panduan penyerahan manuskrip

Jurnal menyatakan garis panduan mengenai proses penyerahan manuskrip dengan jelas sebagai panduan kepada pengarang.

3.2.8 Konvensyen Editorial

Jurnal menyatakan maklumat bibliografik yang lengkap iaitu Tajuk, Abstrak, Katakunci, Rujukan dan afiliasi penuh semua pengarang.

3.2.9 Bahasa

- i. Jurnal dalam Bahasa Inggeris - setiap artikel perlu menyediakan Tajuk, Abstrak dan Katakunci dalam Bahasa Melayu.
- i. Jurnal dalam Bahasa Melayu - setiap artikel perlu menyediakan Tajuk, Abstrak dan Katakunci dalam Bahasa Inggeris.
- ii. Jurnal dalam Bahasa Arab - setiap artikel perlu menyediakan Tajuk, Abstrak dan Katakunci dalam Bahasa Inggeris.

3.2.10 Laman web Jurnal

Jurnal mempunyai laman web dan memaparkan maklumat yang dikemaskini.

URL Laman web setiap jurnal fakulti/pusat perlu lah sama dan ditadbir oleh seorang pentadbir laman web.

3.2.11 Etika penerbitan

Jurnal menyediakan dan menyatakan etika penerbitan yang lengkap mengikut *Standard Committee on Publication Ethics (COPE)* dalam laman web jurnal.

3.2.12 Pengarang

Kepelbagaian pengarang dalam satu isu dan kepelbagaian afiliai dikalangan pengarang perlu dalam sesebuah jurnal bagi mencapai kualiti dalam penulisan jurnal.

3.2.13 Sidang Editor

Kepelbagaian sidang editor di peringkat nasional dan antarabangsa perlu bagi memastikan jurnal yang diterbitkan berkualiti dan setanding jurnal lain.

3.2.14 Sitasi Jurnal

Jurnal mendapatkan dan menyatakan sitasi dalam pangkalan data (cth: MyJurnal, MyCite, WOS, SCOPUS, ISI) dengan jelas.

3.2.15 Pengindeksan Jurnal

Jurnal perlu diindeks dalam MyJurnal atau pangkalan data pengindeksan serantau dan antarabangsa lain yang diiktiraf dengan memenuhi kriteria-kriteria badan pengindeksan tersebut.

4.0 PERATURAN PEMBAYARAN

4.1 PEMBAYARAN TERHADAP ARTIKEL YANG DITULIS

Kadar bayaran yang dikenakan kepada penulis adalah tertakluk kepada kategori jurnal seperti jadual dibawah:

Kategori	Kadar Bayaran
Berwasiat	RM100 - RM150 per artikel (USD23 – USD34.5 per artikel)*
Berindeks di peringkat nasional (cth: MyJurnal, MyCite)	RM150 - RM200 per artikel (USD34.5 – USD46 per artikel)*
Berindeks di peringkat antarabangsa sahaja	RM400 - RM500 per artikel (USD92 – USD115 per artikel)*
Berindeks peringkat antarabangsa (SCOPUS, ISI, WoS)	Percuma

*Tertakluk kepada kadar semasa pertukaran matawang asing.

4.2 HONORARIUM KEPADA PENILAI/PEWASIT

Honorarium kepada penilai/pewasit dipertimbangkan kepada aspek kepakaran penilai/pewasit, komen yang diberikan dan ketepatan masa. Kadar honorarium adalah RM100 - RM150 per artikel. Kadar honorarium kepada penilai/pewasit adalah tertakluk daripada kelulusan Mesyuarat Jawatankuasa Penyelidikan, Penerbitan dan Persidangan (JKPPP) dan Mesyuarat Jawatankuasa Pengurusan KUIS (JPK) dari masa ke semasa.

5.0 PERATURAN PENCETAKAN NASKAH JURNAL

Semua jurnal bercetak perlu mendapatkan permohonan permit penerbitan daripada Kementerian Dalam Negeri (KDN) dan merupakan prasyarat permohonan ISSN. Jurnal bercetak juga hendaklah melalui Penerbit KUIS dan mematuhi polisi penerbitan KUIS serta proses penerbitan manuskrip dari semasa ke semasa.